

## Prográmmaplána

# **Sámegeiela ja sámi girjjálašvuoda master**

120 oahppočuoggá



Dutkan- ja oahppostivra dohkkehan 10.05.2016, áššis 45/16. Rievadásat dohkkehuvvon mearrádnusnotáhtain 09.01.17 (Public áššenr.: 16/00418) ja 02.05.18 (Public áššenr. 18/00215.). Dutkan- ja oahppostivra dohkkehan rievadásaid 25.01.22 áššis DOS 2/22, Public áššenr. 20/00061-3. Rievdaduvvon goahtejođiheaddji mearrádnusnotáhta bokte 27.01.26 (Public áššenr. 26/00187-1).

## **1. Prográmma namma ja grádanamahus go lea geargan oahpus**

Prográmma namma:

Sámegillii: Sámegeiela ja sámi girjjálašvuoda masterprográmma

Dárogillii: Masterprogram i samisk språk og samisk litteratur

Eaŋgalasgillii: Master's Programme in Sámi Language and Sámi Literature

Grádanamahus:

Sámegillii: Sámegeiela ja sámi girjjálašvuoda master

Dárogillii: Master i samisk språk og samisk litteratur

Eaŋgalasgillii: Master of Sámi Language and Sámi Literature

## **2. Oahppoprográmma viidodat**

Masterprográmma viidodat lea 120 oahppočuoggá ja normerejuvvon oahppoáigi lea guokte jagi.

## **3. Sisabeassangáibádusat**

- Sámegeiela ja sámi girjjálašvuoda bachelorgráda eatnigiel dásis dahje vástideaddji oahppu.
- Gáibiduvvo ahte ohccis leat 90 oahppočuoggá čiekŋudanoahput sámegeielas eatnigiellan.
- Bachelorgráda gaskamearálaš árvosátni galgá leat C dahje buoret. Studeanttain geain lea cand.mag.-dutkkus, galgá leat sámegeielas gaskamearálaš árvosátnin 2,7 dahje buoret.

## **4. Oahpahus- ja eksámengiella**

Oahpahusgiellan lea dábálaččat davvisámegiella. Eksámengiellan lea davvisámegiella dahje eará sámeigiella.

## **5. Oahppanjoksosat**

Oahpu čađaheami maŋnel lea kandidáhtta olahan čuovvovaš oahppanjoksosiid:

*Diehtu*

Kandidáhtta

- dovdá sámegeiela ja sámi girjjálašvuoda dutkama ja dutkanmetodaid, erenoamážit dan suorggis masa su iežas masterbargu gullá
- dovdá iežas fágasuorggi guovddáš dieđalaš teoriijaid ja metodaid
- dovdá iežas fágasuorggi historjja, árbevieruid ja iešvuodaid ja ádde dan servodatlaš mearkkašumi.

## *Máhttu*

### Kandidáhtta

- máhtta čilget, analyseret ja geavahit giella- ja girjjálašvuodadiehtaga guovddáš doahpagiid, metodaid ja teoriijaid
- máhtta válljet heivvolaš fágagiela njálmmálaš ja čálalaš ovdanbuktímii
- máhtta árvoštallat čáppagirjjálaš teavsttaid, áššeteavsttaid ja giellaoahpalaš teavsttaid
- máhtta analyseret mo sámi kultuvra, erenoamážit giella ja girjjálašvuohta, leat riikkaidgaskasaš ja erenoamážit eamiálbmogiid gaskasaš dutkamušaid ja ságastallamiid oassin
- máhtta guorahallat ja geavahit kritihkalaččat iešguđetlágan diehtogálduid
- máhtta válmmaštallat ja ovdanbuktit fágalaš sáhkavuoru dahje čálloša dihto fáttá siskkobealde
- máhtta bagadallama vehkiin čadahit iehčanas, ráddjejuvvon dutkanbarggu mii čuovvu dutkanehtalaš norpmaid
- hálddaša sámegiela čálalaš giellan alimus ámmátlaš dásis.

## *Oppalaš gelbbolašvuohta*

### Kandidáhtta

- máhtta guorahallat ja čielggadit relevánta fágaehtalaš čuolmmaid
- máhtta dihtomielalaččat ja aktiivvalaččat ovddidit sámegiela geavaheami sámi servodagas
- máhtta searvat iežas fágasuorggi njálmmálaš ja čálalaš akademalaš diskurssaide
- máhtta gaskkustit iežas fágasuorggi dieđuid mánggalágan oktavuodain
- máhtta bargat mánggalágan áššedovdibargguid mat gusket sámegillii ja sámi girjjálaš kultuvrii.

## **6. Oahpu oppalaš sisdoallu**

Sámegiela ja sámi girjjálašvuoda masterprográmma ulbmilin lea hukset ja nannet sámi álbmoga eatnigiela ja girjjálašvuoda fágamáhtu. Sámegiela ja sámi girjjálašvuoda masterprográmma addá buori oppalaš vuođu bargat mánggalágan giella- ja teakstagažaldagaiguin. Oahppu hukse maddái vuođu doavttirgrádaoahpuide.

Masterprográmma lea huksejuvvon sámegiela ja sámi girjjálašvuoda eatnigiel dási bachelorprográmma ala, ja addá studentii čiekŋalut áddejumi sámegielas ja sámi girjjálašvuodas. Prográmmas leat golbma oktasaš oahpu (30 oč.), golbma válljenmuni oahpu (30 oč.) ja 60 oahppočuoggá masterbargu. Studentii nammaduvvo nuppi lohkanbajis bagadalli guhte bagadallá studeantta masterbarggu čállima.

Eanas oassi oahpahasas lágiduvvo neahttaoahpahussan ja oassi fysalaččat Guovdageainnus. Oassi oahpahasas lea geatnegahtton muhtun oahpuin. Oahpahasas lágideapmi lea čilgejuvvon dárkileappot ovttaskas oahpuid oahppoplánain.

Sámegiela ja sámi girjjálašvuoda masterprográmma sistsidoallá 120 oahppočuoggá, ja lea juhkkjuvvon ná:

- 30 oahppočuoggá oktasaš, geatnegahtton oahput
- 30 oahppočuoggá välljenmuni oahput
- 60 oahppočuoggá masterbargu

Geatnegahtton oahput leat:

- OKT 304 Sámegiela ja sámi girjjálašvuoda dutkanhistorjá (10 oč.)
- OKT 305 Akademalaš čállinseminára (10 oč.)
- OKT 307 Dieđalaš bargu ja dutkanmetodat (10 oč.)

Prográmma välljenmuni oahput leat:

- SÁM 303 Giellahistorjá II (10 oč.)
- SÁM 304 Eamiálbmotgirjjálašvuoda – historjá, dutkan ja teoriját (10 oč.)
- SÁM 306 Sámi báikenammadutkan (10 oč.)
- SÁM 307 Dajahusat ja sámi lyriikka (10 oč.)
- SÁM 311 Terminologijadieđa ja vuodđoaláhusaid fágagiella (10 oč.)
- SÁM 312 Cealkka- ja hápmoahpa dutkan (10 oč.)
- SÁM 314 Jietnatoahpa dutkan (10 oč.)
- SÁM 316 Akademalaš gaskkusteapmi ja gulahallan (10 oč.)
- SÁM 317 Giellagáhtten ja teakstaoahppa (10 oč.)
- SÁM 318 Sámi sosiolingvistihka perspektiivvat ja lahknanvuogit (10 oč.)

Masterbargu:

- SÁM 321 Masterbargu (60 oč.)

Vuosttaš lohkanbaji lágiduvvojit oktasaš, geatnegahtton oahput mat gusket fágasurggiid vuodđodieđuide. Vuosttaš lohkanbajis álget studeanttat maiddái SÁM 321 Masterbargu - oahpuin ja OKT 305 Akademalaš čállinseminára -oahpuin, muhto váldet eksámena easka goalmát ja njealját lohkanbajis. Nuppi lohkanbajis čadahit studeanttat välljenmuni oahpuid juogo Sámi allaskuvllas dahje eará oahppoásahusas, nugo UiT Norgga árkálaš universitehtas dahje olgoriikalonohallama bokte. Sámi allaskuvla lágida välljenmuni oahpuid dábálaččat sihke giela dahje girjjálašvuoda surggiin nu ahte dat dorjot masterbarggu. Välljenmuni oahput galget leat masterdásis; juos studeanta háliida váldit vuolit dási oahpu välljenmuni oahppun, de dasa ferte ohcat sierra lobi. Ohcan sáddejuvvo oahppohálddahussii.

Ávžžuhuvvo ahte studeanta čálligoahdá masterbarggu nu árrat go vejolaš. Masterbarggu loahpalaš fáddá välljejuvvo ovttas bagadalliin goalmát lohkanbaji álggus. Earenoamážit OKT 307 - ja OKT 305-oahput dorjot masterbarggu fáttá välljema ja čállima. Masterbargu čilgejuvvo dárkilabbot SÁM 321 -oahppoplánas.

## 7. Prográmma huksehus

1. lohkanbadji	2. lohkanbadji	3. lohkanbadji	4. lohkanbadji
OKT 307 Dieđalaš bargu ja dutkanmetodat, 10 oč.	Válljenmuni oahput, 30 oč.	OKT 305 Akademaš čállinseminára, 5 oč. (nubbi oassi)	SÁM 321 Masterbargu, 30 oč. (goalmmát oassi)
OKT 304 Sámegeiela ja sámi girjjálašvuoda dutkanhistorjá, 10 oč.	Sámi allaskuvllas ja/dahje eará (olgoriikka) oahppoásahusas	SÁM 321 Masterbargu, 25 oč. (nubbi oassi)	
OKT 305 Akademaš čállinseminára, 5 oč. (vuosttaš oassi)			
SÁM 321 Masterbargu, 5 oč. (vuosttaš oassi)			

## 8. Oahpahan- ja oahppanvuogit

Oahpahan- ja oahppanvuogit bohtet ovdan iešguđetge oahpu oahppoplánas.

## 9. Árvvoštallanvuogit

Sámegeiela ja sámi girjjálašvuoda masterprográmma oahpuid eksámenvuogit leat čálalaš barggut, máhppaeksámenat, ruovttueksámenat ja njálmmálaš eksámenat.

Árvvoštallanvuogit bohtet ovdan iešguđege oahpu oahppoplánas.

## 10. Bargo- ja joatkkaoahppovejolašvuodát

Masterprográmma hukse nana fágalaš vuodu bargat sámegeielain ja girjjálašvuodain oahpahuš- ja dutkansurggiin ja iešguđetlágan servodat- ja fágasurggiin main gáibiduvvo nana sámegeielgealbu ja gos girjjálašvuodta buvttaduvvo ja gaskkustuvvo. Oahppu addá gelbbolašvuoda bargat universitehta- ja allaskuvlasuorggis, mánggalágan almmolaš hálddahusain, kulturásahusain ja girjelágádusain, fitnodagain, mediaásahusain ja eará sajiin gos dárbbášuvvo alla dási áššedovdamuš sámegeielas ja/dahje sámi girjjálašvuodas.

Masteroahppu ovttas praktihkalaš-pedagogalaš oahpuin addá gelbbolašvuoda oahpahit sámegeiela vuoddo- ja joatkkaskuvllas.

Masteroahppu addá gelbbolašvuoda oahpuin doavttirgrádaprogrammii.

## 11. Eará dieđut

### *Olgoriikalonohallan:*

Nubbi lohkanbadji lea heivehuvvon nu ahte studeanttain lea vejolašvuohta vuolgit olgoriikalonohallamii čađahit válljenmuni oahpuid. Studeanttat sáhttet ohcat Erasmus-, North2North- dahje NordPlus-stipeandda ja Sámi allaskuvla veahkeha studeantta geavatlaš áššiiguin. Dárkilut dieđuid lonohallanvejolašvuođain oažžu oahppohálddahusas.

### *Kvalitehtasihkkarastin:*

Čujuhuvvo Sámi allaskuvlla kvalitehtasihkkarastinvuogádhkii ja dasa makkár vejolašvuođat ja geatnegasvuođat studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuohta searvat árvvoštallamiidda mat leat oassin kvalitehtasihkkarastinvuogádagas.